

Kyrkje- helsing

Kyrkjelydsblad for Osterøy

Nr. 1, februar/mars 2004



Ved.
Olav Meltvik



Godt nytt år

No er me alt fleire veker inne i eit nytt år, men me tykkjer likevel at det høver å bera fram helsinga om eit godt år.

Mange hev kan henda store voner og forventningar når me går inn i eit nytt år.

Det hugsar eg for eigen del at eg og hadde i yngre år. Men for mange av oss går livet sin vande gang i sine vande rutinar. Det vert liksom berre det siste talet i årstalet som er heile endringa.

For eigen del er eg ikkje så glad i vinteren lenger. Det vert meir kviasamt å ta ut på tur med bilen på vinterføre.

Men no før morsdagen såg eg den første von om vår i vente. Snøklokkene står med opne klokker og lyser grønt og kvitt og fortel at livet i jorda vaknar til att.

Etter kvart kjem klosterklokker og krokus, og seinare påskelijer og tulipanar.

Og ettersom alt dette lyser mot oss i hagane kjem det og meir livsmot og arbeidslyst også i ein eldre kropp.

Ruskeversdagar hev eg no etter nyttår nytta til å rydda. Til vanleg samlar eg på altfor mykje, men no måtte noko kastast. Sume skrifter tykkjer eg det er godt å ha samla. Mellom anna bladet "Stille stunder". Eg blar av og til i desse årgangane og hev nytta fleire dikt eg hev funne der i "Kyrkjehelsing".

No ein dag trefte eg på ei lita bøn som eg vil dela med lesarane av "Kyrkjehelsing". Den er fritt omsett frå engelsk og lyder slik :

Eg vert eldre

Herre, du veit betre enn eg at eg frå dag til dag vert eldre.

Fri meg frå slik innbilling at eg kvar tid og stund er nøydd til å vera på høgd med alle andre i alle ting. Fri meg frå at eg vil ordna opp i andre sine saker.

Eg vågar ikkje å be om å få hugsa betre, men hjelp meg til å vera litt mindre sjølvsikker når eg er usamd med andre.

Lær meg å innsjå at eg ofte tek feil. Lær meg også å setja pris på at det veks opp dugande folk, og gjev meg den vel-signa gáva å snakka om dette og mindre om meg sjølv.

Denne bøna vil nok etter kvart høva godt også for meg.

Ver ikkje redd, berre tru

(Mark. 5, 35 – 43)

Jairus hadde sikkert vore uroleg heile natta. Han var fortvila over at Jesus var borte på den andre sida av sjøen, akkurat då dottera var blitt dødssjuk. Han sende bod ned til havna og fekk deretter fort melding om at Jesus var på heimveg.

Jairus går så ned til kaia og møter Jesus og legg seg ned på kne framfor han og ber at han må koma heim til huset hans og leggja hendene på den febersjuka dottera. Folket der på kaia seier då at Jairus ikkje må plage Jesus fordi dotter hans alt er død. Då seier Jesus desse orda : VER IKKJE REDD , BERRE TRU.

Det er ikkje lett å tru på Guds hjelp når vi er redde og kjenner oss hjelpelause. Det første vi gjer når ein av våre kjære blir sjuk, er å få tak i medisinsk behandling. Det betyr ikkje at vi har gløymt Gud og heller ikkje er gløymt av Gud. Vi har i tru og tillit lagt våre liv i Guds hånd og veit at han er med oss i alle gode og vanskelege situasjonar i livet. Salmisten seier :

EG VIL LÆRE DEG OG VISE DEG DEN VEGEN DU
SKAL GÅ.

EG VIL LA MITT AUGA KVILA PÅ DEG OG GJE DEG
RÅD:

John Wesley var svært redd under en storm om bord på en seilskute. Midt under stormen fekk han høyre vakker sang. Det var en flokk Kvekere som sang sterkt og frimodig. Wesley spurte leiaren om dei ikkje var redde i det fryktelege uveret. Men han svarte : Vår Gud tåler ein storm. Vi kan sikkert undre oss over om det går an å vera ein kristen når ein ofte er redd og føler seg hjelpeløs. Men vi skal hugse at hovudsaken er at vi har ein stor Gud, ein allmechtig Frelser å tru på. Det hjelper lite å ha stor tru på seg sjølv, men det er god hjelp i ei lita tru på ein stor Gud.

Jairus gjorde som Jesus sa og fekk oppleve at dotter hans blei frisk. Mange har også i vår tid brukt mykje tid på å be for sine kjære utan at dei alltid har opplevd bønensvar. Då må vi ikkje miste motet, men ha tru og tillit til at Gud står fast ved sine løfter.

Å TRO DET ER Å TAGE SIN FRELSER FAST I HÅND,
OG VANDRE ALLE DAGE VEILEDET AV HANS ÅND .

Alf R. Kallestein

OSTERØY PRESTEGJELD TILSETTE/ RÅD OG UTVAL

Kyrjekontoret v/Rådhuset

Opningstider:

Sumar: Man-Fre: 08.00.-15.00.

Vinter: Man-Fre: 08.00.-15.30.

(Måndag er fridag for prestar
og organistar.)

Tlf. 56 19 22 80

Fax. 56 19 22 81

Direkte innval:

Sekretær	56 19 22 71
Mikal Toska	56 19 22 72
Johannes Melve	56 19 22 82
Brigt S. Skeie	56 19 22 83
Liv Skoglund	56 19 22 84
Kåre Rivenes	56 19 22 85

Prestane:

Sokneprest Johannes Melve

Priv. tlf. 56 39 00 11, Haus

Kapellan Brigt S. Skeie

Priv. tlf. 56 39 31 00, Hosanger

Kyrkjemusikk:

Kantor Kåre Rivenes

Priv. tlf. 56 39 06 26

Organist Liv Skoglund

Priv. tlf. 56 39 26 64

Kyrkjeleg fellestråd:

Leiar: Norvald Vedå

Nestleiar: Agnar Vevle

Otto Mo

Einar Johnny Selvik

Kjartan Tysse

Johannes Melve

Alf R. Kallestein

Soknerådsleiarar:

Bruvik: Wenche Fiskeseth

Gjerstad: Berit Solberg

Hamre: Inge Arve Birkeland

Haus: Einar J. Selvik

Hosanger: Gyda Tveiten Lewis

Kyrkjehelsing redaksjonsnemnd:

Redaktør Olav Meltvik

Tlf. 56 39 52 27

Fax «

Johannes Melve

Elna Mjelstad

Øyvind Vevle


En episode fra New-Orleans

Av Einar J.Selvik

I Kyrkjehelsing nr. 4 i fjor skreiv Einar J.Selvik om sjømannskyrkja i New-Orleans, og hadde då og teikna denne kyrkja. Denne gongen fortel han om ein episode ved den same kyrkja.

En av de tingene som alltid har kjennetegnet sjømannskirken er at ingen sjømann har blitt avvist selv om det luktet litt sterkere saker av hans munn enn Hansa brus, men rett skal vere rett, om en sjømann måtte døyve nervene med en "pikkandes liten en" etter en lang nerveslitende overfart i forykende vær i dagevis, ville de fleste holde seg unna kirka til de ble edrue. Og om de untaksvis stakk innom ruset, var respekten for kirka så stor at det var liksom ryggen rettet seg, gangen ble rett og blikket klart. Jeg kan med min beste erindring ikke minnes noen skandaløse episoder i min tid til sjøss.-

Episoden jeg skal fortelle om hendte da vi lå i New -Orleans med "Kings Star", som jeg fortalte om i en tidligere epistel. Jeg kan tenke meg at presten og de ansatte på kirka mang en gang satt på nåler når de visste at en eller flere besøkende luktet alkohol. Ett gammelt ord sier jo at der alkoholen renner inn, renner vettet ut. I alle fall, angjeldende kveld kom en av skipets styrmenn seilende inn på kirka for frisk bidevind, litt rødsprengt i blikket, luktende fysj-fysj, men elles i strålende humør. Overnevnte styrmann var en kjempesvær rugg, lys i håret og kunne godt illudere en ekte berserk. Som sunnmøringer flest var han vel bevandret i Jakob Sande. Han var ganske flink til å traktere gitaren, selv om han ikke alltid sang i samme dur som han spilte. For oss som kjente ham var han kjent som en riktig skøyer med en litt bisarr humor og en fantastisk kreativ fantasi. Jeg må



innrømme at jeg satt litt på nåler, klar til å gripe inn hvis noe skulle oppstå. Men idyllen var fullkommen. Han treiv gitaren til en av de ansatte og begynte å spille og synge fra ovennevnte Sandes verker, og under over alle undere, fra første tone gikk stemme og gitar i samme dur. Ene visa fulgte den neste og applausen blandt tilhørerne vokste for hvert nummer helt til han plutselig annonserte: "Og no skal eg synge en skikkelig grisevise." Da sa det pang oppe i mitt stakkars hode. Jeg spratt opp for å redde skutas ære og renomme. Presten Paul, som antakelig og hadde "sittet på nåler" spratt og opp, men akk o ve, før noen av oss rakk fram og fikk kneblet ham begynte han å synge en søt liten vise om en gris ved navn Esmeralda. Hva den handlet om kan jeg til dagsdato ikke si. Om Jakob Sande har skrevet

den vet jeg heller ikke. Det eneste jeg vet, og det er noe jeg har kommet fram til i senere år, er at vi alle som var der er blitt tatt grundig ved nesen, at det hele var et omhyggelig isenesatt skuespill. Tanken min er at at han kan ha gurglet munnen sin med litt "ildvann", gnidd seg grundig i øynene for å få dem passelig rødsprengte og heist bidevind i seilene. Når jeg tenker tilbake så hadde han et eget lurt, litt arrogant glimt i blikket da pastor Paul og undertegnede dydens voktere flauet retunerte til våre respektive stoler.

Dette var det engelskmenne kaller "A practical joke," spør du meg.

P.S. Jan, hvis du noen gang leser disse linjer, så er det et skriftlig bevis på at spøken lyktes. Men det visste du jo allerede.

Min salme

Margot Raknes : Min salme er ” Deg å få skode er sæla å nå.” Denne salmen seier så mykje og er så fin. I andre verset m.a . ”Far lat meg vere barn her hjå deg. Kom til meg, Herre, ja, bu du i meg.” Når

eg og tenkjer på kor gamal denne irske salmen er, heilt frå 700- talet, og med sin fine irske tone vert dette den finaste salmen for meg. Salmen står på 479 i salmeboka.

*Deg å få skode er sæla å nå,
Gud, ver det syn som mitt hjarta vil sjå;
ver du for tanken min dyraste skatt,
Ljoset som strålar ved dag og ved natt!*

*Ver du min visdom, mi sanning og trøyst,
tal du det levande ord med di røyst!
Far, lat meg vere barn her hjå deg.
Kom til meg, Herre, ja, bu du i meg.*

*Ver du i striden mitt skjold og mitt sverd;
ver du det merket som syner mitt verd,
livd for mi sjel, den tryggaste vakt;
lyft meg mot himlen, du makt i mi makt!*

*Rikdom og ære som menneske gjev,
er ikkje meir enn den morknande vev.
Du er min arv som varer til sist,
himmelske konge, det veit eg for visst.*

*Konge i æva, å lat du meg då
sigrande inn i ditt rike få gå!
ver du mi tru, den vona eg ber
til eg får skode din herlegdom der.
Amen.*

Salmen er omsett til norsk av Arve Brunvoll i 1978.

Ho utfordrar Inglaug Sandal til å senda inn sin salme.

Laila Eriksen, som vart utfordra av Marta Gjerstad skriv til oss :

I siste nummer av ”Kyrkjehelsing” utfordret Marta Gjerstad meg til å velge

min salme. Det er ikke helt enkelt, for vår salmeskatt er så rik, og favorittsalmen kan forandre seg med kirkeåret og livssituasjonen. En av dem er for meg ”Deg å få skoda er sæla å nå”. Den taler sterkt om den trygghet og glede som troen på Jesus gir.

Jeg vil utfordre Roger Breivik, Lonevåg, til å velge sin salme.



Velkommen til kyrkja

22.februar Sondag før faste. Joh.12,24-33.

Hamre kl.11.00. Høgmesse. Skeie. Nattverd. Takkoffer til Sjømannsmisjonen
Hosanger kl.11.00. Høgmesse. Melve. Nattverd. Takkoffer til KiA (Kristent innvandrarbeid.).

25.februar Oskeonsdag. Matt.6,16-18.

Haus kl.19.00. Fastegudsteneste. Melve. Nattverd. Fastesuppe i kyrkjelydshuset etterpå. Takkoffer.

29.februar 1.sundag i faste. Matt.16,21-23.

Gjerstad kl.11.00. Høgmesse. Skeie. Nattverd. Takkoffer til Kirkens bymisjon.
Bruvik kl.17.00 Gudsteneste. Skeie. Takkoffer til kyrkjelydsarbeidet.

7.mars 2.sundag i faste. Luk.7,36-50.

Hamre kl.11.00. Høgmesse. Melve. Dåp Nattverd. Takkoffer til Prostirådet.

Gjerstad kl.19.00. Lovsongskveld.

14.mars 3.sundag i faste. Hebr.12,1-3

Haus kl.11.00. Høgmesse. Dåp. Nattverd. Melve. Takkoffer til kyrkjelydsarbeidet. Årsmøte i kyrkjelyden og for kyrkelaget.

21.mars Midtfastesundag .Joh.6,24-36.

Gjerstad kl.11.00. Høgmesse. Skeie. Nattverd. Takkoffer til KABB (Kristent arb. blant blinde)
Hamre kl.16.00 Gudsteneste. Skeie. Takkoffer til KRIK (Kristen idrettskontakt)

28.mars Maria bodskapsdag. Luk.1,46-55

Hosanger kl.11.00. Høgmesse. Skeie. Nattverd. Osterøy kyrkjekor. Takkoffer til Bergen sundagsskulekrins.
Bruvik. kl.11.00. Høgmesse. Melve. Nattverd. Takkoffer til Bergen sundagsskulekrins.

4.april Palmesundag .Joh.12,12-24.

Hamre kl.11.00. Familiegudsteneste. Prostiprest Werner Larsen. Dåp. Takkoffer til

Strømme-stiftelsen. Nattverd.

Gjerstad kl.11.00. Familiemesse. Melve. Takkoffer til Familierådgivingskontoret i Bjørgvin

8.april Skjærtorsdag. Jes.53,1-5.

Bruvik kl.18.00. Gudsteneste. Melve. Nattverd.

Hosanger kl.19.00. Gudsteneste. Skeie. Nattverd. Takkoffer til Nordhordland indremisjon

Haus kl.20.00. Gudsteneste. Melve. Nattverd. Takkoffer til Radio Osterøy/P7.

9.april Langfredag. Joh.18,1-19,30.

Haus kl.11.00. Pasjonsgudsteneste. Melve.
Hamre kl.11.00. Pasjonsgudsteneste. Skeie.

10.april Påskeaften. Luk.24,1-12.

Hamre kl.23.00. Påskennattsgudsteneste. Skeie. Melve. Nattverd.

11.april Påskedag. Joh.20,1-10.

Gjerstad kl.11.00. Høgtidsgudsteneste. Melve. Skeie. Osterøy kyrkjekor. Takkoffer til Osterøy sundagsskulelag.

Haus kl. 09.00 Morgonsong. Melve. Påskefrukost etterpå.

12.april 2.påskedag. Joh.20,11-18.

Hosanger kl.11.00. Høgtidsgudsteneste. Skeie. Takkoffer

Bruvik kl.11.00. Høgtidsgudsteneste. Melve. Takkoffer

Gjerstad kl.19.00. Lovsongskveld.

DÅP

Det høver med dåp desse dagane:

Hamre: 7/3 , 4/4 og 10/4

Hosanger: 28/3 og 12/4

Gjerstad: 4/4 og 11/4

Haus: 14/3 og 18/4

Bruvik: 12/4

Familie- nytt



HAUS

Døypte:

- 16.11.03 Tiril Loftås
16.11.03 May-Linda Veseth
16.11.03 Vilde Vathe Nesthus
23.11.03 Michelle Våge
(døpt i Gjerstad kyrkje)
07.12.03 Håkon Mjelde

Gravlagde:

- 11.11.03. Sverre Borge (f. 1927)

GJERSTAD

Døypte:

- 08.11.03 Alexandra Christin Nordås
09.11.03 Hedda Helene Lone
30.11.03 Marielle Mosevoll
(døpt i Hamre kyrkje)
18.01.04 Marius Helland
18.01.04 Veronica Myking Hammersdal

Gravlagde:

- 06.11.03 John H. Myking (f. 1926)
13.01.04 Åshild Søgnesand (f. 1947)
19.01.04 Lars Greve (f. 1914)
03.02.04 Kari Langeland (f. 1930)

HAMRE

Døypte:

- 28.12..03 Rosalinn Øksnes
(døpt i Laksevåg kirke)
04.01. 04 Einar Skaar Andersen
04.01. 04 Adrian Bognøy
04.01.04 Karolina Steinsland Bjørge
25.01.04 Gabriella Hjellvik
08.02.04 Trond Fossdal Århus
08.02.04 Vegard Hoel Århus
08.02.04 Emilie Linnea Helland Tøsse
08.02.04 Mathilde Rebnord Johnsen

Vigde:

- 13.12.03 Terje Hopland og Audhild Vevle
10.01.04 Elin Kåstad og Knut Bjerkli

Gravlagde:

- 28.10.03 Olai Storsæter (f. 1928)
(gravlagd ved Åsane gamle kirke)
04.11.03 Arna Håland (f. 1918)
27.11.03 Anna Bleikli (f. 1902)
19.12.03 Ole Bleikli (f. 1925)

Kyrkjeskyss
til Hosanger
frå Tysse,
ring
Olav Meltvik,
tlf. 56 39 52 27.

- 30.12.03 Andreas Torskheller (f. 1908)
30.12.03 Borghild Fotland (f. 1919)

HOSANGER

Døypte:

- 23.11.03 Rania Loftås

Gravlagde:

- 03.12.03 Nils Tysse (f. 1924)
16.12.03 Else Hay Tysse (f. 1917)
17.12.03 Severin Løtveit (f. 1920)
02.01.04 Synneve Systad (f. 1917)

KYRKJESKYSS TIL GJERSTAD

For dei som ynskjer å koma til kyrkje, men har problem med skyss, er det mogleg å ringja til ein av desse:

Agnar Vevle, tlf. 56 39 43 53
Rune Revheim, tlf. 56 39 21 04

Ver ikkje redde for å ta kontakt. Me ynskjer at folk kjem til kyrkje, og tykker det er leitt at skyssen skal vera eit hinder. Om ikkje dei oppsette personane køyrer sjølv, får dei andre til å gjera det.

Kyrkjeskyss til Haus kyrkje

Desse personane kan kontaktast pr. telefon:

Berit Torp 56 39 03 59

Einar Johnny Selvik
98 06 48 54

Sigrd Mjelde
56 39 01 04

Kyrkjeskyss til Bruvik

Ring Wenche Fiskeseth
tlf. 56 39 18 21

Otto Mo tlf. 56 39 19 42

Konsert i Osterøy-hallen i høve barneåret i Bjørgvin

v/ Øyvind Vevle

Det var tett pakka med folk i Osterøyhallen søndag 1. februar då den store konserten for å markera barneåret i Bjørgvin bispedøme vart avvikla. Rune Larsen og Lise Børud var namna som skulle dra folk ut or sofaen og etter- middagsslumringa denne sundags ettermiddagen, og det greidde dei. Men der var og lokale og regionale aktørar på bana.

Først på scenen var "Liljene", eit barnekor frå Sion, Bysheim. Dei song både åleine og i fellesskap med publikum.

Trond Fossdal Århus imponerte på elektrisk piano med "Mornings has broken" og "St. Louis blues".

Kings Kids i Bergensregionen, med 7 deltakarar frå Osterøy i rekkjene sine, framførte song, dans og dokketeater. Nokre av songtekstane var slik: "Ordet holder deg på sporet," Uten ordet er du helt på jordet " og "Jeg er på vei til himlen".

I pausen var det sal av kaffi, kaker og brus.

Rune Larsen la vekt på samsong med publikum, og det greidde han. Der kom nok erfaringa hans som programleiar i fjernsynet han til hjelp. Han framførte popmusikk, rock og enklare barnesongar.

Mange av dei små såg nok fram til å høyra Lise Børud, ei lita jente som måtte ha ein kasse å stå på for å visa i "terrengt". Ho song blant anna. "Mamma- korleis kan Jesus bu både i himlen og i hjarta?" og Bli med til søndasskolen". Saman med eit stort kor på omlag 50 born frå Osterøy song ho og eit par-tre songar.



Lydnivået var høgt. Det hadde vore ein føremon om det hadde vore stilt noko ned.



Trond Fossdal Århus imponerte på elektrisk piano



Under:
Kings Kids framførte
song, dans og dokketeater



Over: Jon Herland ønsket velkommen.

Til venstre: Lise Børud syng seg heim til
mange tilhørarar.

Under: Liljene frå Sion Bysheim song
fint.



Soknepresten har ordet


Ei apostolisk kyrkje

Det er kan henda nokon som kjenner att desse orda frå den nikenske truvedkjenninga. Ved særlege høve brukar me den nikenske truvedkjenninga i kyrkja. At kyrkja er apostolisk, vil seia at ho står på apostelgrunnvollen. Dei 12 apostlane var utvalde av Jesus sjølv, og dei hadde ei særleg oppgåve som kyrkjegrunnleggjarar. Peter, som er "ordførar" for dei andre apostlane, vedkjende si tru på Jesus, og då svara Jesus at han gav uttrykk for den tru og vedkjenning som kyrkja skulle byggjast på (Matt.16).

I våre dagar har somme byrja å bruka ordet apostel om leiarar i kyrkja. Det er særleg i ein del karismatiske miljø dette ordet vert brukt. Den vanlege bruken av ordet i Bibellen, gjeld dei 12 apostlane som Jesus valde ut til

å vera læresveinar. Paulus vart seinare rekna som apostel, fordi han hadde møtt den oppstadne Kristus. Å vera vitne om oppstoda var ei sentral oppgåve for ein apostel. Difor reknar me ikkje med at aposteltenesta høyrer til andre enn dei som levde i lag med Jesus. Apostlar har me ikkje i dag. Likevel kallar me kyrkja for ei apostolisk kyrkje.

Ein apostel tyder ein utsending med fullmakt. I våre dagar er det ordet ambassadør som kjem næraste i tydinga. Apostlane hadde si store oppgåve i den fyrste kristne tida, som kyrkje-grunnleggjarar. Difor har me ikkje apostlar i dag. Dei la grunnvollen som me skal byggja vidare på. Og no er det vår tur til å byggja. Det er vårt ansvar i dag til å bruka det grunnlaget dei har lagt. Og på apostel-



grunnvollen byggjer du trygt !

Johannes Melve

Velkommen til vinter-/påskeleir 2004 i Sætervika

Vinterleir

- | | | |
|------------------|-----------|-----------|
| 1. 27.02 - 01.03 | 10-13 år, | kr. 600,- |
| 2. 01.03 - 04.03 | 10-12 år | kr. 600,- |
| 3. 04.03 - 07.03 | 9-12 år | kr. 600,- |

Sætervika Ungdomssenter ligg ved Tysse i Samnanger. Kvar dag på leir får vi høyra om Jesus og misjonsarbeidet. Elles vert det leik, spel, skiturar til Kvamskogen m.m.

Påskeleir

- | | | |
|------------------|------------------------------|-----------|
| 1. 02.04 - 06.04 | 6-10 klasse | kr. 690,- |
| 2. 07.04 - 12.04 | Kretsungdomskorets påskeleir | kr. 850,- |

Påmelding og nærmare opplysningar:

Norsk Luthersk Misjonssamband,
Sydneskleiven 22,
5010 Bergen, tlf. 55 90 48 00, fax. 55 90 48 10,
E.post: bergen@nlm.no

Statistikk for Osterøy prestegjeld 2003

	Bruvik	Haus	Gjerstad	Hamre	Hosanger	I alt
Gudstenester	20 (22)	29 (31)	38 (37)	27 (27)	28 (25)	142 (142)
Gudsteneste						
deltakarar	1328 (1179)	3208 (2460)	4350 (3704)	3264 (2947)	2168 (2066)	14318 (12356)
Nattv.gjester	125 (133)	380 (347)	742 (764)	353 (497)	295 (181)	1.895 (1.922)
Døpte	3 (8)	17 (15)	20 (23)	26 (27)	13 (21)	79 (94)
Vigde	1 (3)	5 (4)	5 (4)	8 (11)	3 (4)	22 (26)
Konfirmerte	5 (8)	18 (18)	24 (20)	34 (23)	18 (20)	99 (89)
Gravferder	5 (9)	11 (4)	8 (23)	19 (15)	18 (17)	61 (67)
Innmelde	0 (0)	0 (0)	0 (0)	0 (0)	0 (1)	0 (1)
Utmelde	0 (0)	0 (2)	2 (4)	3 (0)	1 (0)	6 (6)
Ofringar	21.860(24.074)	57.377(50.146)	107.466(112.137)	72.330(73.977)	55.358(42.397)	314.391 (302.731)

Til statistikken

Fleire til kyrkje !

Statistikken for Osterøy prestegjeld fortel om stabile tal . Frå år til år er det ikkje store svingar. Det gledelege for 2004 er at fleire har gått til kyrkje, i alle sokn. Me vonar at dette er ein auke som held fram ! Enno er det god plass i kyrkjene . Auke har det også vore i summen som gjeld ofringar. At det er nedgang i talet på døypte og oppgang i talet på konfirmantar, har vel helst med svingingar i årskulla å gjera.

Trekkingsliste - Barneårsarr. i Osterøyhallen 1.februar

Bok	Nr.	Namn	
1.	43	16	
2.	72	30	Maria Johnsen 5 innramma bilete
3.	29	45	Kurt Sørås barnebibel
4.	78	10	Andrè Bjelland barnebibel
5.	35	30	Minni og Einar Fotland barnebibel
6.	10	11	Daniel Kleiveland bok
7.	40	03	Borghild og Johs. Melve bok
8.	28	02	Berit Torp bok
9.	13	29	Gabriel Vatle bok
10.	72	31	Borghild og Johs. Melve bok
11.	14	03	Kurt Sørås bok
12.	16	25	Ørjan Rivenes Johnsen bok
13.	56	13	Ingrid og Johannes Torp kyrkjebilete
14.	67	33	Simen Grimstad Øksnes kyrkjebilete
15.	69	12	Edvard Skjerping kyrkjebilete
16.	46	31	Jorunn Sleire kyrkjebilete
17.	29	45	Jonas Lid CD King's kid
18.	44	18	Andrè Bjelland bøker
19.	23	05	Stig Andrè Langeland bok
20.	80	02	Yngve Revheim bok
21.	01	09	Roy Arne Hauge bok
22.	39	17	Laila Hustrulid bok
23.	38	40	Jarle Rolland bok
24.	43	36	Borghild Melve kyrkebilete Hamre
25.	64	48	Kristin Sangolt kyrkjebilete Hamre
26.	25	36	Gaute Kleiveland kyrkjebilete Hamre
27.	08	25	Jon Solberg kyrkjebilete Hamre
			Magnhild Taule kyrkjebilete Hamre

Trekning av Hosanger kyrkjeforeining sine loddbøker

Gevinst, loddnr. og vinnar:

1. Dokke med utstyr/klede F 310
Elsa og Ingvald Tepstad, Fjellskålnes
2. Brodert kaffiduk M240
Målfrid Fotland, Fotlandsvåg
3. 6 kaffikoppar G 287
Edith Fotland, Fotlandsvåg
4. Strikka damedrakt L 254
Jenny Litland
5. Brodert toaletterullhaldar L 181
Nadja Tysse
6. Hardangersaumserviett D 311
Brikt Skeie, Hosanger
7. Akvarell N 219
Gunvor Mjøs, Hosanger
8. Strikka barnedrakt L 448
Asgjerd og Kjell Nilssen, Tyssebotnen
9. Pledd A 216
Hild Breivik, Lonevåg
10. Brodert juleløpar K 161
Louise A. Hole, Hosanger
11. Blom L 79
Irene Vik, Bysheim
12. Blom L 25
Thomas Losvik, Bysheim
13. Blom H 127
Gunnel og Åsmund Tveiten, Hosanger
14. Blom E 202
Elin Hoshovde, Hosanger

Rett trekning vert vitna
Hosanger, 01.12.03
Solfrid T. Bardsley
Gunnel Tveiten

På basar og loddsal kom det inn til saman kr.
21.545,50

Foreininga hev no kr. 80.000, på konto. Gunnel
Tveiten fortel at dei hev planar om å nytta noko av
desse midlane til å gjera kyrkjegarden finare. Eit
rekkverk til å halda seg i på den bratte vegen langs
muren frå porten i kyrkjegarden hev det og vore
ynskje om.

Lyttar du til Radio Osterøy?

Radio Osterøy sender kristne program 5 dagar i veka. Radioen vert driven med frivillige gåver og dugnadsinnsats av mange eldsjelar frå Osterøy. Tilsaman har radioen 22 sendetimar i veka. Fotlandsvåg Indremisjon og Tysse Indremisjon er eigarane av Radio Osterøy.

Radio Osterøy kan høyrast i heile Nordhordland der radioen har konsesjon for 8 kommunar. Elles er det mogleg å høyra Radio Osterøy i Øygarden, delar av Sotra, Askøy, Arna og Åsane. Radioen sender i FM-bandet over Nordhordland Sendernett, der ein kan finna Radio Osterøy i FM-bandet 104.8 hovudsender (Osterøy) - 106,8 (Fotlandsvåg) - 103.6 (Meland) - 106.0 (Lindås) og 100.0 Mhz (Knarvik). Sendarane 103.6 og 106.0 kan også takast inn svært bra mange stader på Osterøy.

Radio Osterøy og Radio PR er eigarar av Nordhordland Sendernett med 50% andel kvar. Desse to radiokanalane har saman inngått ein omfattande samsendingsavtale med 4 bystasjonar etter løyve frå mediaforvaltninga. Dette gjer det mogleg å lytta til Kyrstradioen som dagleg har mykje lokale nyhetssendingar, også frå Osterøy, Radio Gnisten, Radio Fana og Radio Tabernaklet.

Radio Osterøy lagar eigne sendingar med barneprogram, musikkprogram, andaktar, intervju med møteopptak. Hovudføremålet med sendingane er å vinna mennesket for Jesus, og gje dei Guds Ord til vekkjing, trøyst og hjelp. Årleg driftskostnad til radioen er ca. 60-70 tusen kroner.

Radio Osterøy er alltid svært taknemleg for gåve til radioen for å halda drifta i gong, og vi vil takka alle som har gjort det økonomisk mogleg å driva Radio Osterøy.

Kontonummer til Radio Osterøy er:
0530 2584 399
Adressa er: 5283 Fotlandsvåg.

Lokalradioprogram for Radio Osterøy

Radio PR, Kystradioen, Radio Gnisten, Radio Fana og radio Tabernaklet. Du finn oss i FM-bandet: FM 104.8 (Osterøy, 103.6 (Meland, 106.0 (Lindås) og 106.8 (Fotlandsvåg).

Mandag

- 09.00 - 11.00 **Kystradioen**
Lokale nyheter,
aktuelt og veien
gjennom Bibelen
- 11.00 - 12.30 **Radio Gnisten**
Magasinprogram
- 12.30 - 15.00 **Radio PR**
Musikk
- 15.00 - 17.00 **Kystradioen**
Lokale nyheter,
aktuelt og musikk
- 17.00 - 20.00 **Radio PR**
Musikk-program
- 20.00 - 21.30 **Radio Gnisten**
Ønskekonsert

Tirsdag

- 09.00 - 11.00 **Kystradioen**
Lokale nyheter,
aktuelt og veien
gjennom Bibelen
- 11.00 - 12.30 **Radio Gnisten**
Magasinprogram
- 12.30 - 15.00 **Radio Osterøy**
**Musikk-
/Magasinprogram**
- 15.00 - 17.00 **Kystradioen**
Lokale nyheter,
aktuelt og musikk
- 17.00 - 19.30 **Radio Osterøy**
**Sang og
musikkprogram**
- 19.30 - 21.30 **Radio Osterøy**
**Barnas kvarter,
«Noe ble borte på
veien», intervju,
aktuelle innslag
og andakt/tale.**
- 21.30 - 23.00 **Radio Tabernaklet**
Omsorgsprogram

Onsdag

- 09.00 - 11.00 **Radio Osterøy**
**Reprise fra
tirsdag kveld**
- 11.00 - 12.30 **Radio Gnisten**

Omsorgsprogram

- 12.30 - 15.00 **Radio PR**
Musikk
- 15.00 - 17.00 **Kystradioen**
Lokale nyheter,
aktuelt og musikk
- 17.00 - 18.00 **Radio PR**
Ungdomsprogram /
Musikk
- 20.00 - 21.30 **Ungdomsprogram**
- 21.30 - 22.30 **Radio Tabernaklet**

Torsdag

- 09.00 - 11.00 **Kystradioen**
Lokale nyheter,
aktuelt og veien
gjennom
Bibelen 11.00 -
12.30 **Radio
Gnisten**
Magasinprogram
- 12.30 - 15.00 **Radio Osterøy**
**Musikk-
/magasinprogram**
- 15.00 - 17.00 **Kystradioen**
Lokale nyheter,
aktuelt og musikk
- 17.00 - 19.30 **Radio Osterøy**
**Sang og
musikkprogram**
- 19.30 - 21.30 **Radio Osterøy**
**Barnas kvarter,
«Noe ble borte på
veien», «Et ord
fra Jerusalem»,
andakt / tale.**
- 21.30 - 22.30 **Radio Tabernaklet**

Fredag

- 09.00 - 11.00 **Radio Osterøy**
**Reprise fra
torsdag kveld**
- 11.00 - 12.30 **Radio Gnisten**
Magasinprogram
- 12.30 - 15.00 **Radio PR**
Musikk
- 15.00 - 17.00 **Kystradioen**

Lokale nyheter, aktuelt og musikk

- 17.00 - 19.30 **Radio Osterøy**
**Sang og
musikkprogram**
- 19.30 - 20.30 **Radio Osterøy**
**«Noe ble borte på
veien», «Over en
åpen Bibel», og
musikk**
- 20.30 - 23.30 **Radio PR**
Magasinprogram
og omsorgspro-
gram annenhver
uke.
- 23.00 - 03.00 **Radio PR**
Nattsending

Lørdag

- 09.00 - 10.00 **Radio Osterøy**
**Reprisesending
fra fredag kveld**
- 10.00 - 13.00 **Radio PR**
Reprise
- 20.00 - 21.00 **Radio Fana**
Magasin
- 21.00 - 23.00 **Radio Fana**
Omsorgsprogram

Søndag

- 10.00 - 11.00 **Kystradioen**
Lokale nyheter,
aktuelt og
reportasjer
- 11.00 - 12.30 Gudstjeneste /
møteopptak
- 12.30 - 13.00 **Kystradioen**
Lokale nyheter,
konkurranser og
platehilsener
- 13.00 - 13.30 **Kystradioen**
Gjest i studio
- 13.30 - 14.00 **Kystradioen**
«Vindu mot livet»

*Programpostene gjelder alle
ukedager i 2004.*

Leiroversikt til Raknes- tunet:

YNGSTES 1:

27-29. februar
3. og 4. klasse
400 kroner

YNGRES 1:

5. til 7. mars
5. til 7. klasse
400 kroner

18+++LEIR

12. til 14. mars
Frå 18 år (fyller 18 i 2004)
og oppover
450 kroner

TENLEIR

2. til 5. april
8 til 10. klasse
500 kroner

FAMILIELEIR

7. TIL 10. april
Ektepar 1500 kroner
Enslig 750 kroner
Barn 4. til 7 år 350 kroner
Barn 8-14 år: 450 kroner

Vil DU vera med og gjera
ein innsats?

Me treng også
kjøkkenhjelp
(aldersgrense 13 år) og
leiarar (i alle aldrar). På
familien treng vi
barnepassarar
(aldersgrense 13 år).
**Kjempefint om du kan
vera med og be for
leirane!**

Nok for i dag, kjære Gud.

Eg ber kje for heile veka
Gud – for ukjente dagar og år.
Men berre om dette eine
at nok for i dag eg får.

Nok kjærleik
Nok kraft
Nok styrke –
Nok mot til å
halde ut.
Berre om dette eine-
Nok for i dag,
Kjære Gud.

Nok tolmod
Nok visdom
Nok glede-
Nok glede til å
vente i tru –
Berre om dette eine-
Nok for i dag,
kjære Gud .

Irene Kleppe Høgetveit
(saksa frå Dagen 15. mai – 02)



Takk for hjelpa

Arrangørane av
familiekonserten i
Osterøyhallen 1.februar vil
takka alle som hjelpa til og
gjorde at det vart råd å få til
denne storsamlinga. Mykje folk
og stor stemning gjorde
ettermiddagen til ei stor
oppleving. Alle kyrkjelydane,
indremisjonslaga
,sundagsskulane, Kristent
Fellesskap og Pinsemenigheten
Sion gjekk i lag om å vera
arrangør. Stor takk til alle som
støtta arrangementet !

Fin konsert i Hosangerkyrkja

Me som var i Hosangerkyrkja tysdagskvelden 10. februar fekk ei fin oppleving. Den unge songaren frå Karmøy, Sveinung Hølmekbakk, gledde oss med å framføra mange av våre kjende og kjære salmar både frå salmeboka og frå Sangboken. Songrøysta var kraftig og god, med svært tydeleg uttale.

Med seg hadde han tre russiske musikarar. Serguei Kharlanov var ein meisterleg virtuos på balalaika, Vitaley Volokhovsky spela trekkspel og Oleg Titov spela bass- balalaika.


Dei gav oss nokre prøver på russisk folkemusikk, og songaren song og fleire kjende russiske songar.

Dei hadde med seg eige ljosanlegg som gav den rette varme stemninga i kyrkja.

Glatte vegar får vel ta litt av skulda for at ikkje fleire tok seg ut for å høyra denne fine konserten.

Men denne unge songaren får me nok høyra meir til.

Olav Meltvik



Fasteaksjonen 2004

Årets aksjon fokuserer på vatn – grunnlaget for alt liv. 1,1 milliarder menneske har ikkje tilgang på reint drikkevatt. Åtte av ti sjukdomstilfelle kjem av mangel på reint vatn, dårlege sanitærforhold og dårleg hygiene. Omlag 5 millionar døyr kvart år av dei same manglane. Fire av ti menneske lever i område med moderate til store vassproblem. I 2025 vil dette auka til to av tre.

Tilgang til reint vatn er ein føresetnad for god

helse, og derfor grunnleggjande i alt utviklingsarbeid. Utan god helse, minkar høvet til å gå på skule eller få jobb. Dermed vert det også vanskelegare for den enkelte og for landet til å få til menneskeleg og økonomisk utvikling. Din innsats kan hjelpe.

KIRKENS NØDHJELP.
fasteaksjonen 2004.

TV/Video til Kyrkjelydshuset

Kyrkjelydshuset i Haus nærnar seg no fullføringa. Det siste storarbeidet er utvidinga av kjøkkenet, og nytt all kjøkkeninnreiing. Til huset ynskjer me oss Tv/Video.

Til ulike tilskipingar kan me ha bruk for Tv og

Video. Er det noko som har brukande apparat som dei ikkje har bruk for lenger ? Dei kan kontakta leiaren i soknerådet ,tlf. 98064854, eller kyrkjekontoret.

Vårlengt

Eg kjenner det på meg:
Det brydder av vår-
om spirande vekst
under snøteppet står.

Å kom no vår
med di signande sol.
Så smeltar vel isen
og blomane gror.

Å vår – du med sæla –
og livsvon- kom snart.
Kom livsvarm og fager-
kom ljøs og bjart !

Å kom no du vår
med blom og med blad.
Velkommen- velkommen
eg helsar deg glad.



Edvard Ruud

Frå diktsamlinga "Tankar og ord frå landet i nord".

